

PRISTIGLA			
22 FEB 2023			
Gr. j. l. / S. n.	Prilog	Vijećnik	
01-02-02-318/23			

VEDAD DELJKOVIĆ
Gradski vijećnik u Gradskom vijeću
Grada Sarajeva

GRADSKO VIJEĆE GRADA SARAJEVA
PREDSJEDAVAJUĆI GRADSKOG VIJEĆA

Predmet: **Inicijativa**

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), podnosim sljedeću

INICIJATIVU

Potrebno je da gradonačelnica Grada Sarajeva putem nadležnih službi, razmotri mogućnost izdvajanja neophodnih finansijskih sredstava na ime rekonstrukcije i obnove Ženske kuće koja je u sklopu graditeljske cjeline Hadži Sinanove tekije, te da se u tom smislu poduzmu aktivnosti na pribavljanju predmjera i predračuna neophodnih radova, na osnovu čega će se izvršiti izdvajanje potrebnih sredstava shodno objektivnim mogućnostima Grada Sarajeva, a što će predstavljati pomoć Grada u obnovi jedne od najstarijih i najljepših tekija na širem području Balkana.

Obrazloženje

Hadži Sinanova tekija, nacionalni spomenik BiH, ubraja se u najljepše stare tekije na ovim prostorima i šire.

Podsjećanja radi, Grad Sarajevo je dao značajan doprinos u rješavanju imovinskog spora koji se vodio dugi niz godina u vezi sa ovim objektom. Na ovaj način izvršen je povrat uzurpirane parcele (ženska kuća vraćena Hadži Sinanovoj tekiji), na koji način je izvršeo zaokruživanje ove ambijentalne cjeline. Tako je omogućen nastavak zaštite i obnove tekije, s posebnim akcentom na vraćeni dio ženske kuće koji je u jako lošem stanju, te su za njegovu rekonstrukciju i obnovu potrebna značajna sredstva.

Obzirom da se tekija nalazi na području Grada Sarajeva, a cijeneći činjenicu da se radi o nacionalnom spomeniku BiH koji je potrebno sačuvati za buduća vremena i buduće generacije, prdložio sam ovu Inicijativu sa prijedlogom da se po istoj postupi na način kako je u istoj navedeno.

GRADSKI VIJEĆNIK
Vedad Deljković

Sarajevo, 21.02.2023. godine